

REGVLA FALSI.

Auch Regula Positionum genant.

Diese Regel wird Falsi genant / nicht darumb das sie Falsch vnd vnrecht sey / oder das sie jemand Falsch vnd vnrecht handeln lehre / wie leider viel Leute in falchen Practiken vnd betrüglichen Händeln sehr geübet sein: Sondern darumb / das sie mit zweyen falschen vnd vngewissen Zahlen / eine warhafftige gewisse Zal suchen vnd finden lehret / vnd wegen zweyer saktionen der Zalen Regula Positionum, auch Augmenti vnd Decrementi genant wird / wie solchs alles in folgenden Exempeln zuuernemen ist.

Von Josephs Becher.
Genes. 44.

Im 1. Buch Moisis Cap. 44. lesen wir / wie Joseph in Egypten mit seinen Brüdern / die ihn in Egypten verkaufft hatten / ein wunderbarlich Spiel gehalten / sich nicht balde das erste mal / da sie zu ihm kommen sein / gegen ihnen gemeldet / sondern sich ganz frembde gestellet hat. Er hat ihnen zwar gütelich gethan / aber heimlich ihr Geld zu ihrem Geträide / vnd sonderlich seinen Becher in des jüngsten Brudern Sack verstecken lassen. Vnd da sie abgeschieden sein / hat er ihnen durch seinen Haushalter vnd Hoffdiener nachjagen lassen / welcher sie auff der Strassen vbertrasset / ihnen mit ernst zugesprochen / sie wegen vndancks vnd vntrew hart gescholten / den Becher aus dem Sack gezogen vnd gesaget hat: Ist nicht das / da mein Herz außerrincket / vnd damie er weissaget? Ihr habt vbel gethan / darüber sie alle sampt sehr erschrocken sein / bis das er sich ihnen gar freundlich geoffenbaret / sie getröstet / vnd reichlich versorget hat / wie inn der Historien nach der lenge gemeldet wird.

Bb

Dauon